

續修楓涇小志卷五

志人物

里人程兼善達青重纂

列傳上

唐

陸贄字敬輿建中時進士歷官中書侍郎同平章事班宏判度支卒官贄薦李巽帝漫許之而自用裴延齡贄上書苦諫帝不憚竟以太子賓客罷延齡揣帝意讒短百緒帝遂發怒貶忠州別駕順宗立召還詔未至卒贈兵部尚書謚曰宣始贄入翰林年尚少天子常以輩行呼而不名在奉天朝夕進見帝倚重尤至雖外有宰輔主大議贄輒居中參議可否時號內相李抱真人朝為帝言陛下在奉天山南時敕令至山東

楓涇小志

卷五

人物

一

士卒聞者皆感泣思奮臣是時知賊不足平議者謂興元戡難功雖瓜牙宣力蓋贄與有助焉及輔政所言皆懇到深切或規其太過對曰吾上不負天子下不負所學違問他乎既放荒遠常闔戶祇為古今集驗方五十篇示鄉人云 國朝

道光六年崇祀

文朝

廟新舊唐書參松嘉兩府志及善志

陸宸字祥文贄族孫光啓二年進士官翰林學士中書舍人工屬詞同僚不及昭宗嘗作賦詔左右皆和宸最先就帝覽之歎曰貞元時陸贄吳通玄兄弟善內廷文書後無繼者今朕得之累為尚書左丞封嘉興縣男徙戶部侍郎同中書門下平章事覃王以兵伐鳳翔宸極諫帝責宸阻撓貶硤州刺史師果敗車駕出幸洎還宮復拜中書侍郎同平章事封吳郡

開國公從遷洛柳燦附朱全忠謀去朝廷之衣冠有望者貶

宸司戶參軍被害於白馬驛

唐本傳從善志補入

宋

陳舜俞字令舉慶曆六年進士又舉制科第一熙甯三年以屯田員外郎知山陰縣詔俟代還試館職舜俞辭曰爵祿名器砥礪多士宜示以至誠烏可要期如付劑契繳中書帖上之青苗法行舜俞不奉令上疏詆之其略曰天下之有常平非能人人計口授餉但權穀價貴賤之柄使積貯者不得深藏以邀利耳今散爲青苗惟恐不盡萬一^饑饑饉洊至必有乘時貴糶者將何法以制之官制旣放錢取息富室藏鏹坐待鄰里逋欠之時田宅妻孥隨欲而得豈不爲兼并利哉且使我

楓涇小志

卷五 人物

二

民歲輸息錢是別爲一賦以敝海內非王政也疏上謫監南康鹽酒稅棄官隱居白牛村跨犢往來自號白牛居士蘇軾稱其學術才能兼百人之器其卒也爲文祭之著有都官集

廬山記

宋史本傳參柳峯先實錄見府縣各志

許克昌字上達紹興三十年舉進士第一以有官改第二累官右正言時松江新涇塘爲海潮衝突鹹水內灌延及嘉湖二境克昌請於朝移堰入運港以避潮勢由是三州之田獲免鹹潮之患鄉邦德之

松江府志並見善志

婁機字彥發乾道二年進士授鹽官尉含山主簿七攝鄰邑率以治績聞遷太常博士秘書郎時太子始就外傳以機兼資善堂小學教授機日呈正言正道又以累朝事親修身治國

愛民四事手書以獻隨事開明多所裨益擢監察御史韓侂
胄議開邊機極口沮之謂恢復之名非不美今士卒驕逸財
力未裕萬一兵連禍結久而不解奈何侂胄不悅遷右正言
進太常少卿兼權中書舍人詔遣宣諭荆襄機昌言曰使往
慰安人情則可必欲開邊啓釁有死而已不能從也泗州捷
聞愈增憂危且曰若自此成功以據列聖之宿憤老臣雖死
亦幸但恐進銳退速禍愈深耳遂以言去侂胄誅召爲吏部
侍郎兼太子左庶子還朝言權臣以私意橫生敗國殄民今
當行以至公又言兩淮招集敢勇若非繩以紀律課其勤惰
必爲後害遷禮部尚書擢同知樞密院事當干戈甫定信使
往來之始機彌縫裨贊實多尤惜名器守法度進退人物直

言可否不市私恩不避嫌怨數上章告老以資政殿學士提

舉洞霄宮卒贈金紫光祿大夫加贈特進

宋史本傳
見善志

顧演才字萬六陳黃門侍郎野王後宋季爲華亭尉有惠政徙

居風涇子孫繁衍子福字福一敦友于讓產與弟

殷澄字公源家富好施每雨雪必載薪米救寒餒又置棺槨濟
人人稱殷佛子澄性介特生平無宿諾宋末避兵南錢元兵
入華亭澄猶保聚未下元將忿欲屠之澄詣軍門言民猶水
也水順則流逆則激民順則從逆則亂今不廣好生之德欲
盡剿斯民乎元將怒手劍叱之澄厲聲曰殺我一人活數千
萬人死猶生也辭氣益壯元將感悟乃止丞相伯顏聞而義
之授華亭軍民都總管辭曰大宋之亡我以親故不與俱亡

乃獨不可逸乎遂野服放浪九峯三泖間稱泖南浪翁云

善志

元

顧實字仲二性樸厚美鬚髯當元中葉郡縣迫之仕自跛其足以辭子希逸克承先志自號真隱

戴光遠字君實爲自牛鎮巨族父暘谷規創義塾未竟後二十年光遠繼其業辟鎮東地三十畝建學舍四十五楹聚生徒百五十輩延慈溪黃伯成以主之金華黃潛有記

見善婁兩志

王文澤字伯雨家風涇後遷上海祖大言父京並有名譽文澤學尤富凡有作不肯蹈襲前人一語所交多當世名人累舉不第爲府學訓導卒所著有尚書制度圖纂三卷自立齋詩文十卷子默字子章身長八尺美鬚髯善談論少任俠多藝

楓涇小志

卷五

人物

四

術弱冠折節讀書書法趙孟頫行筆甚捷徵至京書金字釋典擬官翰林力辭歸性孝父歿盡鬻書買山以葬子基洪武中舉孝廉爲潞州判官

通志參婁志

錢應庚字南金元末孝廉隱居茜涇邵復孺寄詩曰美人只在寒雲外破屋依然谷水西可見其大概

善志

黃魯德軼其名諸生有詩名兼善鍼灸無子門人徐中傳其學邑中古蹟多有題詠

善志參魏塘詩陳

王仁本字樂山元末避寇來鎮遂家焉慷慨好義不吝濟施圓明橋其獨建也

采入嘉府志

顧深字淵白元季入京獻燕都賦不得志歸晚年領教岳陽同時錢大有字明遠工詩楊鐵崖稱其善學

善志

明

王宗達字佚父富一仕元為鹽法官因墾戴光遠創義塾來助
教事遂家風涇宗達扈從明太祖有功績贈迪功郎著有蘆

中集

沈得四華亭人洪武十一年祖母張邁疾得四割股食之即愈
久之祖父病得四又取肝作湯以進隨飲而瘳有司上其事
下詔旌之仍徵授太常寺贊禮郎其後有鈞者少喪偶不娶
人稱義夫有司旌之崇禎癸未進士泓龍其後也

松府志

王嘉會字原禮少博洽負俊聲元末累舉不第乃客淞江為人
溫醇和緩後進樂就上海令康伯愚見其詩詞敦雅敬禮之
引為上賓洪武初詔舉明經嘉會應聘至京賦詩稱旨授翰

楓涇小志

卷五

人物

五

林院檢討擢國子監司業時太學諸生常數千人嘉會與祭
酒宋訥嚴立學規終日危坐講解無虛晷以老疾請優詔留
之年八十卒於官賻卹甚厚

分省人物考參
大清一統志

顧元孫字子俊幼為張貞母所撫孝友和順卓有行誼子璘字
宣晚性敏深於易筮星數之學出贅陸氏陸亦里之巨姓璘
代其長鄉稅竭貲應官家日以窘

王達字公路少游郡庠永樂甲午舉於鄉仍卒業太學竭選得
襄陽衛經歷未赴任歸授徒自給工詩詞著有管窺集雲溪
逸稿南溪吟稿梓以行世

嘉府志
參善志

干璠霸州籍正統壬戌進士由給練出守襄陽建學輯兵才識
英偉歷官陝西左布政使

曹小
志

支茂字宗衍幼孤弟榮甫三歲茂遵父遺命不析居異財貢吏部授樂安丞奉府督租有王某貧欲鬻女以償茂代輸之年

五十無子有良民被誣陷獄茂矜而直之及出獄攜艾妻以謝茂卻走避之夜夢神謂曰汝有陰德天錫兩後明年子立

生善

志

顧琮字宗玉號樵雲好善樂施詔旌義民子文昱字怡松天性孝友父年高與弟同構怡養堂奉養之景泰時輸粟五百石佐河防費賜冠帶文昺字怡筠郡庠生歲饑賑粟施棺焚券捐逋晚年治地得錢鑿井築亭覆之以便行汲

嘉府志
並善志

支立字可與正統甲子以春秋魁鄉薦官翰林院孔目時人號爲支五經事母以孝聞務敦本爲己之學詩文皆有關世教

楓涇小志

卷五

人物

六

子高以歲貢官興濟教諭孫大綸有傳

浙江通志參
兩浙名賢

李萼字春園年十三游庠景泰庚午歲貢授長垣縣丞慷慨有大志居家尚禮義子敞字汝高庠生性剛直爲鄉里所敬憚德威字慎節國學生景泰丙子歲歉出粟一千二百石以助賑泉司羅箴奏旌義官弟德禮因兄好施與析產時僅受四分之一

李學孟字醇卿號慕雲其先自隴西遷於華亭之楓涇鄉學孟爲郁寵贅壻寵無子從容風使納妾妾有子遂謝去後郁子貧喪葬婚娶力任之待諸母王瞽嫂邱餽贈甚厚子自華既貴猶衣敝衣徵逐里社至京師偶嘗珍羞輒歎曰吾故羹藜

飯糗時有此耶以誠自華無忘上恩

嘉府志
並善志

顧謹字夢萱文昱子儻好善善邑號字圩田窪下上官檄謹督修塘岸不數月而成請給冠帶以獎子奎字文元號可雲歲貢生官山東城武縣訓導賦性通敏工詩畫葺園結社與騷人墨客游詠其間終其身不慕榮利

顧諫字廷直文昺子善庠生苦志勵學屢試未售時同里周澤貧無進取資諫引之門下且飲助之及澤作解時諫亦擬中適權璫以他卷請遂被黜弟訓性孝友舉鄉飲大賓

王相字廷輔以貢拜蘄水丞遷黃梅知縣邑田無經界多兼井於巨室相首正之濬畎澮興水利歲潦得免於患御史上其事特加旌異旋移疾乞歸子紳字警庵以貢官光山教諭學宮密邇縣治時聞箠楚聲走告邑令請寬之令慮囚每語曰

楓涇小志

卷五

人物

七

本當痛責恐學中又欲驚慘故從寬諸生喻希學希仁孤貧力學資助膏火薪水以勉之俱成進士後遷平海衛教授

善志

顧備字可葵由吏部掾歷官曹州同知解任歸留心元學製藥濟人弟傳字九槐官進賢縣丞母病乞歸破格予告後補上海縣丞升九溪衛經歷以母老不赴嘉靖甲寅遭倭寇警兄弟衣冠往諭以大義同遇害傳子誠心字汝化號思槐由國

學生歷官荊門州州判

嘉府志並善志

郁袞字九章改名天民居四北區郁家灣博極羣書於國家掌故尤熟悉先後受邑令聘修邑志嘉靖壬午鄉試擬元以小誤被黜益肆力於古文詞子敦易孫從儒俱有聲庠序

善志

陸申字天厚陸莊人宣公後裔父忤劉瑾繫獄申刺血奏冤獲

釋父歿於官扶櫬歸服闋授楚府典儀時官僚惟貨惟威申

踰垣告變罪人斯得輿論高之歿祀書院五賢祠志

翁鐸字文卿學國生考授新興知縣嘉靖乙卯倭夷騷擾總督

胡命鐸建敵樓於杉青閘鐸不吝己財集工役不旬日告成

胡公書額以旌之

顧儀字可貴歲貢生授金山衛教授邑無廩額儀請於上創善

堂分經課士數年間始有登解額者子口心字汝悅薦舉賢

良檄府書名旌善亭隆慶間縣尹史行鄉約禮聘爲飲賓不

赴壽八十一曹小志儀采入嘉府志

顧俸字應文訓子善庠生族弟某貧窘自鬻捐貲贖之託掌家

賦

楓涇小志

卷五

人物

八

費朝憲字懋仁號錦坡嘉靖甲子舉人建坊於郡西水寺前名

曰真元運際與同郡同年十七人勒名於其上記盛也朝憲

性情豪宕不附勢希榮家素封有亭臺園囿花木之勝淡於

仕進以優游泉石終嘉府志

沈產字東里華亭貢生居風涇嘉靖中歲荒歉輸米五百斛助

賑事聞朝廷嘉之韶賜七品冠帶

李稅字聯河早失怙恃兩兄以稅出贅錢氏產不與析期年仲

兄亡稅泣曰遺孤在襁安問桑田躬耕自食子然字元實諸

生舉鄉飲賓漕兌僉役有司輒諮以行刻字元晦亦舉鄉飲

賓拮据恢父業嘗曰智仁勇三者缺一不可否則田舍翁耳

然子嘉生舉人剡子振宗進士振宗有傳善志

顧元定字靜夫歲貢生歷官南康府教授修葺學宮實力經營學使立石誌之及致仕歸差可自給以祖產讓弟人咸義之顧元龍字雲夫號白暘幼年艱苦自立叔一齋卒於官子幼不遠千里歸其櫬捐產一百五十畝爲義田以贍貧族

李自華字見亭嘉靖乙丑榜眼父學孟贅楓涇郁氏生子命名自華以寓意自華善書法工古文歷官國子監司業早自引退嘗建關帝廟於羅星臺

王汝錄字惺泉善庠生嘉靖乙酉取儒士累舉不偶肆力文章人服其博洽

顧態字汝美性孝友父侯舉鄉飲賓樸茂謹愿不事生產態母卒父納婢婢挾父勢以凌態態事之益虔積館穀金置田百

楓涇小志

卷五

人物

九

餘畝與婢二子均析之父歿舉所遺悉以委弟而留婢養之終身蔡學博嘗題曾閔遐蹤冊以贈其他拒奔婦還遺金表表大節無愧古賢由歲貢授涇縣訓導子際明孫朝樞俱有

傳善

志

顧道心字汝理傳子附監生官浦城主簿有惠政子梧芳附監生嘗捐田十一畝爲義塚築牆立石以垂永久授上林苑署丞陞廉州衛經歷及致仕縉紳餞送賦詩盈帙

郁應元字槐泉從學於從父袞研析典故嘉靖甲子舉於鄉計偕遇歸有光邂逅結爲道義交謁選授黟縣令邑健訟温言勸諭訟日簡公餘吟詠自適有吏隱風著有北征草南游雜

編善

志

費朝寅字雲衢膽量過人好助善舉嘗選舉華亭公務糧長轉運北都不辭勞瘁捨基地建圓通庵代人輸逋人咸目爲長者

顧際明字良甫萬歷己丑進士隨選讀中秘書不善事鄉貴幾爲所扼改雲南道御史有大帥輦暮夜金求援際明正色拒之念兩太恭人春秋高遂請告歸蕭然公車之舊橐也丁艱服闋復除河南道上言播酋應龍必叛一時有眞御史之稱旣而應龍果叛隨奉命巡按粵西嘗劾戎政尙書張國彥等俱愜輿論時言官方諍國本甚激神宗怒以他事詰臺省不言遣斥三十餘人際明與焉熹宗踐阼有詔求舊陞太僕寺少卿先是際明在臺巡視太僕洞悉馬政之弊至是益甚乃

楓涇小志

卷五

人物

十

刻意節省減費巨萬逆黨有畸厄者引疾歸置義田六百畝

以贍貧族

嘉府志
志參家傳

支大綸字心易號華萃萬歷甲戌進士試政西曹時江陵秉政進白燕紅蓮以爲瑞綸言於朝曰大臣不宜稱祥瑞啓侈心遷泉州司理時侍郎洪朝選失江陵意欲中以法乃爲書具陳天道人事不宜枉殺大臣以媚人遂罷官又七年推補江西藩幕遷奉新令復與上官不協掉首而還卒年七十有一門人私諡曰文介先生著有華萃集嘉隆編年史子如玉孫隆求俱有傳

善志

顧士宏字養純萬歷間捐地建常平倉從弟士遇字恆宇性慷慨周卹鄉黨不待緩急來告故家亦中落子蘊玉字璞函持

躬謹厚人以是並重之

倪津字雲橋居九北區萬厯中遇水旱散粟施糜建午莊橋構
菩提庵撫諸梵獨六十外連舉四子府縣以孝行請給冠帶

壽九十

浙江通志

葉宜春字明台歲貢生安貧樂道與世無爭子元美庠生克承
父志放情詩酒著有格言雜語理學洞豁接踵陽明同里顧

際明作記以表之

嘉府志

許應試字元甫號宇懷宋進士克昌後從少游庠文筆高古督學
蘇紫溪見其文嘆為奇才首拔之及試牘達部尚書曹公又
加稱賞一時文學士爭師事之如李奇珍奇玉輩以理學顯
後以貢應廷試擢第四選諸暨訓導重修學宮陞景甯州教

楓涇小志

卷五

人物

十一

諭旋擢廣東廉州府教授不赴歸而以園圃自娛著家箴八
議八訓八款兩舉鄉飲賓子鼎宰相皆孝友篤學時人比

三蘇焉

節李公柱撰傳府志歲貢作副車誤

李耿字春寰諸生游南雍不得志肆力為古文所交多名流輯
家譜未竟姪從先搜訪成之從先庠生考授州同

王命召字躍溪諸生律身謹飭孝事二親友愛諸弟讀書石佛
寺力培計元勳成進士終不望報著有華萼樓集

支如玉字德林萬厯庚子舉人官監丞後授洧川教諭葺學宮
嚴課士厯陞刑部主事乞終養歸弟如增字小白博學能文
與京山李維楨華亭陳繼儒錫山鄒之麟為文字交嘗上書
岳大司馬元聲指陳朝政五條又貽書賀吏部燦然謂駁永

陸之非既登崇禎庚午副榜作謝棘闈賦著有硯亭小品從子琳字喬卿有敏才詩古文援筆立就錢相國延主庭塾卿大夫咸率子弟問字焉

善志

葉允昇字萬山事父母能色養與人交然諾不欺子世榮字思雲孝如其父好義贈貧人推長者

善志

陸道乾字子勉嘉靖甲辰歲饑以貲散宗人後以書生赴闕上書請復祭田兩兄早世割產卹其孤因宣公墓在忠州乞官蜀府紀善刻有吳山漫稿置義田以贍貧族慷慨尚義有古俠士風

善志

王時杰字百凡嘉會裔孫諸生少游魏忠節門詩文瀟灑在開元大厯間曹爾堪兄弟皆受其業子睿有傳

楓涇小志

卷五

人物

十二

支允堅字子固如玉子性篤孝父病疽吮之嘔血幾斃嘗藥以進及卒哀慟欲死喪葬大禮不以讓二兄明季北白繁重應者破家允堅上書當事陳北解十弊直指左光先服其言勒

石禁革閭里頌德

善志

李箱字允之號夢溪少習舉業隱居教授從游者幾徧兩浙恩給冠帶散官卒年八十六

王問治字司平號漸山居涇南王家灣善庠生總角事舌耕從者戶外履滿積十餘年置產與弟均之士民稱孝友焉中表盛貞所守岱嶽聘以資翰墨及抵任所而盛病諸事咸屬代理無一毫苟且既歸捐館囊橐蕭然

許鼎宰字伯升居許家埭郡庠生屢赴浙闈幾得復失者再以

例游南雍卒困鹽車聞母變奔喪會稽哭泣不止越中以孝聞善治生產而錙銖不較友嘗匿多金心知之不忍發叔氏失明時以薪米贍之族中貧乏尤周卹備至子巢字爾雍少穎敏年十二應童子試兩藝各千言郡邑傳誦十八游庠父寢疾二載侍奉無或離崇禎辛巳蝗災出粟施粥活數千人國朝順治丙戌徵辟遺賢准貢官例授知縣郡邑特薦固辭不受節顧撰傳見嘉府志許巢

王無逸字澹一善邑廩生善屬文常冠多士有神童名窮經爲本著述甚多有刑商十則治統韻言行世嘗爲縉紳書記丁清惠奏疏半屬無逸手筆弟無私字得一庠生才名與兄等有嘯墨齋詩集

楓涇小志

卷五

人物

十三

郁性善字承泉天性至孝父京病疽吮之立愈嗣父觸豪貴怒致遭冤獄性善千里白父冤跋涉成痼疾謂其子曰父母全而生我我以父故致疾天若有知自當復愈果瘳以孝行旌表 國朝雍正四年祀忠義孝悌祠善志參家傳

陸繼鉉字默如有文譽入浙闈不售天啓甲子改南雍司成得其文歎異拔冠一軍入闈又遭別歸未幾而歿善志

顧朝樞字仲執天啓辛酉舉人肆力墳典華胄無綺靡習篤於倫理兄朝衡因性直失父歡朝樞周旋曲至歿祀孝義祠子耿臣有傳焮中沈潛力學兩中副車善志

許鼎相字仲升號吉人稽古力學困童子試援例入國學與四方知名士結社白下文筆英銳連赴棘闈被放既還里出其

餘貲賙卹戚黨爲衣襖以溫寒士煮粥糜以飽飢民歲丁丑爲邑令李石守襄建鶴湖書院不一年而成其經營之力居

多焉

節夏長泰撰傳

戴叔遠字元述元義士光遠裔孫與同里孫文鋒善各以貢起家文鋒選昌化教諭病歸卒於家叔遠爲象山學博聞文鋒死遽歸拜哭嘔血越旬餘卒

善志

戴季華字元樸鄉居嗜學游庠後挾筆墨遊四方詩以自然爲

宗年七十三卒著有鴻冥集悟往錄

魏塘詩陳

郁素字繪先才敏能文談言微中風骨類晉人受知於邑令吳

道昌捐俸助膏火食餼後益肆力文詞竟不第

善志參家傳

李應文字鏡溪明季之亂隱居白牛邨敦品概足跡不入城市

楓涇小志

卷五

人物

十四

子友桃亦讀書能文

善志

沈大化字龍岡官鴻臚寺序班立品端嚴嘗謂士大夫一舉一

動皆當取法聖賢自省得失著功過格行世

李中璧字中嶼號崑良善庠生攻苦力學尤精易義嘗割股療

母巡撫某獎以純孝高賢額讀書至老不衰崇禎壬午抱病

走南畿試畢不能支卒於白下年七十二

王註字懷橘居石泉港幼賴長嫂撫育事之如母晚年遇有宣

諷二十四孝者忽悲泣仆地衆驚訝有頃甦曰吾幼失怙恃

無從酬罔極恩不禁感傷耳

李策字獻之性剛直里有不孝者策痛杖之後其人以盜陷策

宛轉得雪生平篤愛敬垂義方子孫克世守焉

嘉府志

郁期字幾先弟際字兆先皆性善子敦倫尚義調卹族黨崇禎
庚辰歲饑出粟百石以濟貧民後患蝗施粥三月全活甚衆
期以孝友旌 國朝雍正四年祀忠義孝悌祠 善志參家傳

徐鴻祚字儀仲文行優粹崇禎間應浙闈試己首薦而謄錄誤
脫三場第五問遂不錄自是名益噪當事有重其文者屬典
試冠浙榜適更名階闈中急索原名不可得相與扼腕先是
洪承疇校士兩浙受知最深及洪經略三邊延入幕尋奏爲
司理所陳籌邊數策皆按切時勢 節徐維城撰傳

顧穀字廷穀敦倫紀弟早世撫其子女如己出成立者六人
王鶚薦字履貞奮志讀書不干勢利崇禎庚辰年六十以貢就
試於廷感病未用辛巳夏蝗民飢邑宰以平糶事屬之日從

楓涇小志

卷五

人物

十五

酷日中僕僕爲餓夫計觸暑致病泰然不悔

沈淀字逋翁居高陽里博綜經籍爲復社前輩著有五經講義
行世

王道隆字爾愚性孝弱冠代父輸糧京師甥某失怙恃撫之成
立授以田宅爲妹夫沈輸逋賦二百石親族待以舉火者數
十家崇禎辛巳蝗災捐賑米三百石復倡義平糶出私錢募
人捕蝗邑令旌其門子國珍有傳 浙江通志

沈履道字洪宇貢生隱居不仕足跡不入城市者三十年與弟
心虹尤友愛子國柱字祖雲精通文義明季館湖上桃李盈
門時人奉爲宗匠父歿 廬墓以居不復還故宅

徐石麒字寶摩楊林村人青浦籍天啓二年進士授工部營繕

主事黃尊素坐忤忠賢下獄石麒爲盡力忠賢怒執新城侯王昇子下獄令誣賄石麒勒完贓而削其籍崇政二年起南京禮部主事遷考功郎中八年佐尙書鄭三俊京察澄汰至公歷尙寶卿應天府丞十一年春入賀時三俊爲刑部尙書得罪石麒疏救釋之官南京十餘年至是始入爲左通政累遷光祿卿通政使十五年擢刑部右侍郎會推閣臣石麒與焉召對便殿時帝以刑馭下法官引律大抵深文附會予重比石麒奉命清獄推明律意校正今斷獄之不合於律者十餘章先以白同官以次審理十三司囚多寬減然廉公一時大法赫然無敢倖免者兵部尙書陳新甲下獄朝士多營救石麒持之新甲棄市劉宗周以救姜埰熊開元獲譴石麒再

疏留不納移刑部定罪石麒擬開元贖徒埰謫戍不復鞫訊帝大怒落職閒住福王監國召拜右都御史未任改吏部尙書奏陳省庶官愼破格行久任重名器嚴起廢明保舉出御史黃耳鼎給事中陸朗於外朗賄奄人得留用石麒發其罪朗憤詆石麒石麒稱疾乞休去後以登極恩加太子太保明年南都亡石麒時居郡城外城將破石麒曰吾大臣也城亡與亡復入居城中朝服自縊死

明史本傳

國朝乾隆年謚忠懿

孟重德字尊素號浩宇亞聖六十一世孫幼孤好讀書以歲貢就試見魏忠節被逮絕意仕進子春先嘉府廩生入貢授司訓不就後居城西南隅衡木爲門學者稱衡門先生春祥篔

瓢自樂有古人風春和有傳

孟南支譜
采入嘉府志

沈泓字臨秋號晦庵崇禎十六年進士生五月父歿母宋年二十三守節撫之甫離襁授以孝經即成誦六歲習字臨父手書持母痛哭人稱爲孝旣長遭母喪撫棺慟哭不止感動鄰里後舉於鄉即陳母苦節力營旌表建完節坊旣成進士應選推官還里旋聞國變攀墓柏自縊鄉人救免後南都權貴貽書相招不就曰吾君親兩負求死不得惟有祝髮空門或可自靖耳遂投雪嶠婁志作惟岑禪師緇染改名宏堅婁志堅作忍號無寐小僕阿寅爲徒住會稽東山慶國寺輯東山志時涉雲門叩雪嶠所得日深奔叔父喪盡哀而去後至松郡之梅谿二子嚴廉泣勸之歸不許疾作絕醫藥而卒泓性至孝母亡蔬食四載每冬至歲除必廬墓號泣人稱孝子云著有易憲

楓涇小志

卷五

人物

十七

東山遺草渡江草懷謝軒詩集孫業舉人有傳

善志參婁志

沈龍字友夔泓從弟與泓同榜進士有文名甲申後隱居不出著有雪初詩稿陳眉公嘗評其詩曰如月痕孤秀石氣清寒又如深山道士茹草齋餐芝高扇道風浩然冥寄詩品之高令人仰止

見松風餘韻

沈懋德字雲嵩幼失怙恃歲時致祭必飲泣兄性豪邁未析箸罄生產勿較隱居不入城市課子孫誦讀歲饑倡議平糶有負逋者以女償卻之焚其券輯有五倫坊表錄孫辰垣有傳

善志

許復兆字吉敷少穎慧時值明季絕意仕進敦行睦族人推長者子世俊海陽縣丞孫鉉授州佐

孟應春字寅生亞聖六十二世孫其先世有良者自吳遷居孟家堰予孫遂家焉應春以仁和籍登崇禎癸未進士第甲申後謝絕人事杜門讀易自號天舍上人 國朝當道重其名屢薦不起設帳課徒楊應標李振宗六七輩游其門並登高

第 孟氏南支譜

沈基字靜淵世居歸安之竹墩崇禎癸未進士由翰林改兵部主事後與大學士溫體仁意不合遂告養歸杜門不出絕口不談時事逾年遭土寇之難遷居楓溪三月之變基聞耗後居一小樓足不履地髮蓄不雜布衣蔬食以終其身及卒魏允札爲撰傳并輓一聯云溪外煙波皆慘淡樓中風節獨孤高蓋實紀也著有敲玉山房詩稿四卷桐陰書屋文稿三卷

楓涇小志

卷五

人物

十八

烽火餘生草一卷

新補

國朝

沈志高字幼升諸生崇禎壬午赴省試值歲祲道饑相望目擊慨傷傾囊以濟垂橐抵寓稱貸竣事順治辛卯壬辰歲大旱所居查溪左右百餘家皆乏食出廩粟五百石貸之曰吾不忍獨飽也家僅中人產遇疫癘則施棺遇饑則仿朱子社倉爲廣仁會生平所折券以百計晚聯吟社與其徒各以其生日放生以是鄉黨推善人世父歿無子爲營喪葬姊貧寡爲撫弱甥邑中貧士及貧士之妻守節者歲賙之晚舉鄉飲賓卒年七十一以子辰垣官編修 覃恩封如其官

浙江通志參崔志姜

宸英撰行狀新補

胡之遇松府庠生研窮經史著有詩義正傳通鑑提錄及門楊應標陳培序而梓之

王任相字爾玉性孝友每日積籌紀善行里黨稱貸歲歉弗責償更應之有鬻子者焚其券給以貲生平信義自持排解立剖舉鄉飲賓歿祀孝義祠子辰有傳善志

錢森字秋聲諸生性孝友善屬文名聲籍甚遇踐更之役念親老弟幼運糧代解南都親歿廬墓三年悲慟不止遷入城課徒課子以敦倫立品爲先舉鄉飲賓壽八十有二子元佑山經魁歷官國子監監丞善志

王誕錫字觀上善庠生少孤事節母能曲體親心戊子己丑歲歉平糶米百餘石施襖與惟惟累年不倦遵母命也建太原橋

楓涇小志

卷五

人物

十九

以利跋涉子學洙入太學以孝謹聞善志

孟春和字穎儒諸生母徐早喪以亂故不知厝所稍長涕泣不已有老嫗自遠歸謂之曰吾子言汝母殯椿樹下顧從軍去十年矣春和詢知其狀貌歷四方求之數載遇於泉州偕歸指殯所恐傷遺骸以手代鋤十指流血檢一齒不獲哀號籲天齒忽自泥出獲全葬父歿廬墓三年隆冬不忍去染哮喘症卒年六十子學中有傳浙江通志

許果字曙光嘉郡廩生少勤學有孝行數舉不第以恩例考授州司馬氣岸甚高動必以禮其志節有古人風歲收田租萬斛貧民乞貸者悉出以應至秋成則薄其息以收之弗能償者不問也置祭田贍宗族人咸以長者目之參家傳

曹倫字舒光號冷民有隱德弱冠遭世難棄諸生由干卷徙居
風涇當事聞其賢每就訪利弊爚目擊踐更累條均役均田
議上之推恩及物無間親疏曾雪夜船行遇覆舟夫婦力救
之得免又解衣衣之終不告以姓氏晚勤著作兼工醫理平
生環堵蕭然好古不倦詩得陶謝風味與孫執升栢斯民時
號三高士著有嶺雲集歸來草鈍留齋集竹窗雜著醫學正

宗浙江通志
參曹小志

楊應標字勝林號南城明大學士士奇後裔順治乙未進士授
甯國府推官理訟多所平反丁艱服闋補溧陽令凡征輸按
田均辦漕弊以清末幾歸復援新例選鄆陵令會 大兵進
剿滇黔汴梁爲蓄牧之地應標豫期儲備絕無騷擾故軍務

楓涇小志

卷五

人物

二十

理而民不累擢雲南劍川州知州引疾歸杜門謝客著有永
思堂集子恆孫方岳雍正癸卯同榜舉人恆官柳城知縣孫

爾德有傳善志參
行述

王睿字聖若副貢官興化同知興利剔奸時海禁甚嚴出界捕
魚論死原情平反全活者衆己酉受卷外簾佳文違式者校
讐改正得售者因執師生禮睿詩文穩秀著有曠期堂集善志

顧向字羊舌號藐千穎敏絕倫年十三以冠軍游庠弱冠登順
治辛卯賢書授蘆山令其地荒遠生熟蠻雜處最難治向抵
任清田賦釋賠累集流亡葺城郭勸農宣教實心撫綏諸蠻
誠服民亦安輯解組歸囊橐蕭然事親盡孝處鄉黨殷懷樂

善子鼎升鼎恆至性肫篤恆有傳善志

孫琮字執升性孝友兄因累毀家琮筆耕贍邁親親亡獨營喪葬仍養其兄至老以名諸生早自高隱所居山曉閣藏書萬卷手不停披每選訂一書輒不脛而走晚歲放迹名山笠屐所經每多題詠著有山曉閣詩文集子式彭字海屋諸生亦能詩通今古門下最盛趙金簡其高弟也孫紹邁字庭儼耽吟詠著有三友齋詩集

善志參
曹小志

柏古字斯民自號雪耘老人諸生工詩古文每持筆硯適野恍若有得揮灑成篇知天文嘗駕小舟泛白牛蕩問所事曰看晚霞耳夜即臥視星象漏盡方寢性好游嘗寓西湖一日冒雨戴笠上北高峰頂引領四望衫履淋漓見者笑爲癡意愈自得有句云吳山越水須游徧寒食重陽不在家可想見其

楓涇小志

卷五

人物

二十一

胸襟矣書法南宮畫宗小米著有芋栗吟寄魚草子立本見

藝術傳

農志參
今世說

顧颺字宣遠號滄雲善庠生好讀書凡宗黨事竭力維護置田以奉祠祀著有得間學草

郁輝字闇卿家庭雍睦與季弟同爨者五十年課子弟懇切其鄰張瑚字九逸幼失怙恃葬親盡禮祭祀必誠舉鄉飲賓與

輝友善

善志

施達字儀吉候選州同事親以色養聞與兄友愛無間重然諾好施與贍族睦鄰晚年屏絕塵囂手不釋卷壽七十八

善志

錢諒臣字逸宣諸生篤學工詩與孫琮爲詩友善岐黃術精六壬書法遒勁著有霽堂詩草子元澄亦名醫同時任星客字

右宸以老諸生善屬文兼繪蘭蔡鴻達字去聞工行楷悉爲

藝苑所稱善志

顧耿臣字奕聞際明孫順治戊戌進士知鄜州有劇賊投誠安插得宜擢戶曹己酉典貴州試尋督榷蕪湖秩滿知大名府有某相國子弟恃勢占民田多至五百餘頃有司莫敢詰耿臣不避威燄給還民當三藩叛愚民煽亂止罪首魁餘盡釋有投吳逆檄文誣陷富紳者耿臣火之監司力索不得乃已以軍餉墾荒功加從一品服子正域字坦公博綜經史制義有隆萬風格勤墉字旣垣考授國子監典簿兩任靈璧東安知縣書法頡頑晉唐以兩耳重聽解組歸秉均有傳善志參家傳

支隆求字武侯與兄景良弟揆英遵范皆如增子淵源家學聲

楓涇小志

卷五

人物

二十一

稱藉甚大江以南詩壇文會首推四支求舉順治庚子第二授遂安教諭衡文勗行丁卯聘校閩闈稱得人擢山東沂水令今多惠績致政歸著書講學後進仰如山斗舉鄉飲賓壽八十有四著有泊庵集教育遵范子汝靖登賢書善志

王辰字天市號餘庵順治庚子舉人授吉水知縣戊午江西同考官左遷保定府經歷工詩文與當湖陸清獻交契且結兒女姻時魏塘沈火文博通經籍清獻聞其精於講算貫偕辰往聽之歸語辰曰吾悟其講法以曉暢爲主以從容爲貴傾動後輩有以夫以清獻之賢而與辰莫逆則其品節概可知矣

曹小志采入嘉府志

陳華育字雲從少失怙母吳復殉節每忌日必素服茹齋閉戶

悲泣自弱冠至七十有六哀慕無間迎養寡姊撫諸甥誨養
婚娶同己子負郭止數頃而節縮贏餘以贍三黨凡待以舉
火者數十家冬授衣夏給帳施棺施藥建育嬰堂橋梁道路
應修者無不捐貲修築公舉鄉賢崇祀以子培貴贈文林郎

浙江
通志

程士聖字化修新安人年十五奔喪至皖城扶祖櫬歸鄉里稱
異後徙居楓涇家日起平生豪俠好義子十二人皆誦詩習
禮不忝家聲孫曾科第相繼

善志

程士文字煥然監生讀書明大義值三藩叛飭採木督造戰艦
暗費千金遇里黨雀角事輒破囊解紛病者施藥死者助棺

嘗建塔白牛蕩側收瘞暴骨當事給德及重泉額

采入嘉
府志

楓涇小志

卷五

人物

二十三

陳華允字克讓少孤性孝友好讀書不隨流俗訓子孫有義方
生平好施與弟華美字開文年十三遭父喪擗踊如成人母
年既高常作斑衣舞以娛之

善志參
家乘

李振宗字欲仙康熙甲辰進士補蘄水知縣以卓異內陞歷任
部郎授平涼同知政寬訟簡士民樂業以勞瘁卒於官子允
符康熙癸酉舉人授仕邗令有惠政擢江南道監察御史

善志

王國珍字席之九歲能文年十八食餼己卯卷已入彀因同考
爭元不售結社文壇名士畢集與潘炳孚顧 輩爲性命交

負才早世所著有南雅堂詩文集子鉉辛酉舉人

善志

支紹昌字克齋如玉孫舞勺游庠踰強仕即高尚老屋數椽繪
二鶴於門禁足不出垂四十年觴詠花間安貧自得至如膳

寡姊鞠髻弟撫孤姪與兄紹熹怡怡白首蓋友愛其天性也
兩推鄉飲賓皆堅辭之壽八十談笑而逝姪式圍字楚良敦

倫紀晚入成均善志

費有度字叔度孝養父母友愛兄弟惠施宗黨居恆誨人不倦
犯而不校有古君子風督學張希良旌以賢孝流芳額子升
俊字旦揚號論齋嘉府庠生 恩賜八品頂戴勤詩書篤孝
友建宗祠輯譜牒恤孤濟困置田以供祠祀嘉言懿行難悉

數焉節沈宗敬撰傳

支宏化字寅臣負經濟才游粵東離使知其能延入幕擘畫悉
中窳要個儻慷慨凡浙西客炎州者無不賴其噓植居贈資

斧斨營扶櫬人皆以鮑子稱之善志

楓涇小志

卷五

人物

二十四

顧鼎恆字輔華至性篤實父向令蘆山歸恆以脩脯奉養雖甚
缺乏甘旨必備不令親知也兄弟同居雍睦處鄉黨樂行善

事子洪憲貢生孫樹本俱敦氣誼重然諾克振家聲善志

李葵生字西雯通經史百家爲古今文下筆立就與同學胡應

宸顧璟芳善同輯聲遠策論蘭皋詞風行宇內應宸字殿陳
貢生璟芳字宋梅諸生葵生著有四書存是編璟芳著容成

詩稿輯明祠彙選善志參魏里詩存

王國球字石昌諸生勵志讀書爲文昌明典雅同社推重子錦
雯字銘在康熙戊午舉人肆力典籍與弟廷鸞屢躋春闈俱
卒於京著有雲紱詩存雲紱其別字也廷鸞字宸御康熙甲
子舉人天資穎異束髮受書目數行下爲文踔厲風發如其

人節曹應穀沈丹槐各傳 前志廷鸞作
兄錦安作弟誤今從王氏家譜改正

費道成字永修善邑庠生考授州同知寬厚克己能容人所不能容忍人所不能忍事繼母汪待幼弟道登曲盡心力施與

親族不倦處鄉黨間和氣迎人 嘉府志
參志

施肇嘉原名鑒字况清號容廬榜姓吳康熙丙午武科亞元會試擬元大學士魏公欲抑置第二副主試以材不可屈甯舍以有待後因親老不再試著有容廬詩文集弟肇麟字景韓號茜園諸生勤學工詩著有閩游集輯魏里詩存

胡允滋字來修康熙丙午武舉人以父愛間適於後圃引流壘石招戚友觴詠爲娛篤志養親不赴公車撫幼弟贍寡妹人無間言著有詩奧及竹亭存稿子然字鳳州號季諾邑增生

楓涇小志

卷五

人物

二十五

能詩文著有深柳堂集 善志

沈業字聲垂拔貢生康熙乙卯舉人官常熟教諭工制藝理法精到刻有可幾三則行世

費道亨字會嘉隱居不仕閉戶讀書自號三泖漁人喜吟詠時得佳句如有道不干祿無錢難買山其志趣可見著有釣餘集

王國鼎字安九國學生少孤事母孝其姪廷相字端書亦誠樸有古風相與敦睦宗族周卹貧窮值歲饑設粥食餓夫至半月許當路嘉其義書額以旌其廬迎秀橋圯國鼎廷相共捐貲改建不煩閭里利涉者因呼爲王家橋 善志

高標字懋村年十七父病禱於神剝臂肉和藥以進夢神賜父

壽一紀後果驗事母先意承志居鄉好施不倦舉鄉飲賓歿

祀孝弟祠子星遠孫珽俱諸生敦孝行不忝家風善志

顏士偉字俊生鄉飲賓待人忠厚出於至性嘗於暮夜釋偷兒

善言戒勸卒能自立他如建橋施棺利濟之事知無不為子

經綱俱婁庠生經見藝術繪善庠生有傳

何業成字建三自新安遷居風涇幼即好學不屑屑於章句欲

作五獄游以母老歸侍庭闈親沒廬墓終身茹素周濟戚黨

好義不倦善志

葉如珪字同稼敦崇孝友兄亡撫姪三人成立分產從厚珪能

詩著有獄樵間唱子永成字揆文胸無冰炭蕭然有塵外姿

善詩歌著有清風士詩稿漪南書屋詩餘志參徐維城詩序

楓涇小志

卷五

人物

二十六

李雲鵬字松庵母范患目疾鵬以舌舐之五旬而愈力行善事

還遺金無德色善志

陳原字遠岑婁廩生家貧力學以脩脯奉親待兄弟友愛彌篤

兄早世撫孤姪如己子遺產悉與姪生平惟嗜讀書研窮經

史著有四書述解姪興祚校梓以行志參家乘

王錫旦字庭植考授州同知性豪邁好施與雖多金不惜也康

熙時太守吳公議建鴛湖書院旦傾囊輸助并董其事善志

畢士彪字雨蒼婁庠生試輒高等有聲膠庠工吟詠書法在趙

董之間不自愛惜間有存者人寶貴之兄士龍士鵬俱有文

名曹小志

陳培字用楫號立亭康熙丁巳舉人授高明令邑多水災策

岸低田得免患以恩信招撫盜魁地方以靖製 聖諭歌風
十六章使民吟誦秀頑均知大義在任十三年而卒當其歸
喪也老幼巷哭有送至嶺表者著有天南物產吟粵游吟

善志

王份字季隆康熙辛酉舉人攻苦力學時輩咸推服姪 字蕤

生與份同榜中式俱以篤行聞

善志

沈辰垣字紫翰少負雋才研窮經史康熙乙丑進士選庶吉士
甲戌會試同考官丙戌武闈總裁歷官翰林院侍讀學士在
館二十餘年纂修明史及續唐類函羣芳譜諸書又奉 敕
繙閱等韻標摘差誤謂吳興識四聲而不識七音失三韻之
原四聲爲經七音爲緯辨甚詳悉平生篤於桑梓凡親故人
都必授餐假館尤喜汲引後進丁亥引年乞休歿祀鄉賢子

楓涇小志

卷五

人物

二十七

銘慎明經任陳留令

善志

顧以恭字公安鄉飲賓事親孝讓遺產以贍弟姪復捐田以益
義莊宗黨有急傾囊周卹不倦子惟祚字裕伯入婁庠幼喪
母即能哭泣盡禮事繼母以孝聞父修輯家乘未成祚編纂
刊之又好義戚族告貸無弗應折券不索償生平言笑不苟

動必中禮

善志

陳仁字元愷考授縣丞事親盡孝父華育病劇仁割股和藥以
進遂獲愈能曲體親心事嫡母諸母孝敬備至翕然無間言
喪葬盡哀盡禮待昆弟友愛甚篤周卹三黨不倦創育嬰堂
全活無算淮揚飢民流離過鏡產婦得舍病者施藥給貲治

臥具以遣歸凡利濟之事無不勇行

善志參家乘

程雄飛字翼雲考授州同知敦孝友推誠接物壯遊四方名公
卿折節下交居鄉力培後起惠逮姻黨舉鄉飲賓辭不赴壽
八十五子輝祖考授州佐緒祖有傳靖祖官崖州吏目多善
政植黎人未靖靖祖入洞善撫之州賴以安善志
浦之純字夔侯事親色養兼至親歿遺產悉讓弟而自營一室
居佩涇少工舉業長而專心經世之學遊覽四方知交頗廣
著有豫章吟粵游草子文焯貴贈如其官善志
顧乃西字謀卓早失怙恃遊學江西寄籍贛縣由國學考授州
同改官平湖縣丞工詩與朱彝尊善彝尊送歸詩見曝書亭
集兄乃躬諸生性和易里有難決事得躬一言剖析無不心
服

楓涇小志

卷五

人物

二十八

沈榮先字筠巖錢塘監生敦倫紀弟澍以遭誣陷獄力救得雪
時通津橋圯人病涉輸千金重建更名仁壽里共德之

沈文先字思雲錢塘籍監生年弱冠以母嫠弟幼棄書從賈家
日起歲饑捐穀助賑縣令獎以額晚營生壙堪輿誇發貴辭
曰但願子孫長有菜飯足矣壽八十二

顧翱字秋羽敦重倫紀里黨敬服康熙丙戌舉鄉飲大賓壽八
十二子蘅年十二游庠屢試不售後入監授州判讀書至老
不衰晚年能作古隸壽八十六翱前志誤作翔善志從家乘改正

戴大用字聖萃事親色養盡禮出告反面未嘗有間親歿廬墓
三年每風晨雨夕嘔血哀號不止後墓旁產靈芝數本人謂
孝感所致又念罔極恩終身不茹葷酒族兄義英病中風大

用助薪米調藥餌支持三載歿經紀其喪姊適李早寡無子
迎養以終生平持躬端謹然諾不苟建橋施粥濟貧救困樂
善不倦子賓有傳容貢生宏州佐俱好學敦行克振家聲

善志
通志參

孟學中字心陶嘉府諸生爲人誠篤廉介自持有升斗儲輒分
濟窮困嘗館秀水曹侍郎溶家課諸孫得讀其藏書教人有
程要數言庸醫殺人僅一身庸師誤人及數世深自兢惕著

易解大義

善志

陳泰字堯階事親孝兄弟間和而有禮善視三黨樂爲善舉子
廷聰字臨先事親先意承志母歿以哀毀卒孝泳有傳文煒

字協君乾隆癸酉順天舉人爲文戛戛獨造

善志參
家傳

楓涇小志

卷五

人物

二十九

王之圻字肇域善庠生博極羣書詩文超拔與四方名士交戶

外屢滿性坦易無欺語著有鶴鳴堂詩集

善志參
家乘

顧秉堅字雲一際明曾孫康熙丁卯舉人授會稽教諭修學校
置祭器必飭必備平生敦孝弟謹言行研精經史爲文高卓
每日講貫必以正心術立人品爲先歿祀名宦門人私謚端

毅著有經濟類苑八卷詩文集十二卷

善志參
家乘

金皋謝字應台事親至孝康熙戊辰進士授莆田令捐俸修築
蘭陂凡濱海之田得免水患又爲修輯邑乘請終養歸以孝

聞歿祀鄉賢祠

善志

程瑛字赤霞號瑤圃婁庠生好讀書材器奇偉弱冠卽蜚聲庠
序交遊皆名宿數赴鄉闈不售遂遊燕趙齊晉間當路諸鉅

公咸虛席以待總河高公廷入幕相得甚歡器重之晚年歸里栽花種竹賦詩自娛著有梅花集尚友齋集書法摹二王兼精岐黃術

葉津字芬若元美子善庠生詩古文詞嘗膾炙人口著有高話堂集雨前稿雪尺齋集溪上草

沈芳字升聞性孝友家貧凡養親喪葬皆獨任事兄嫂恩義備至撫族姪教誨以成立之課諸子以孝弟相勗施榘賑饑利濟甚衆嘗於妙常庵前拾遺金坐待還其人衆稱厚德善志

陶爾穉字穎儒青浦籍少以詩文受知高文恪士奇與姜遴齊名康熙辛未進士官葭州知州以病乞歸著有遵渚集鈔子

景炎字崇質工詩畫隱居不仕善妻兩志

楓涇小志

卷五

人物

三十

沈廷杓字殿颺號嵩亭妻諸生天性恬淡不樂繁靡好游山水遠歷黃雲九華普陀諸境近及蘇杭興到處輒與山僧聯吟唱和其在昭慶寺晤宜潔上人一聯云山好看殘摩詰畫景多書盡薛濤箋人爭誦之著有雲西草堂詩集參家乘新補

沈廷枚字用占工吟詠與前輩栢古孫琮及同社曹奕霞輩唱和無間時高陽里城隍廟大堂衆議式廓廷枚捐資獨建著有半庵詩草

張離字右文號鷗盟善邑諸生敦行好學構松鱗書屋爲娛親計愉愉繞膝四十年置腴田以供祭祀復置義塚以葬族之貧者邑有義舉見即勇爲所識窮乏者求無弗應又購陂池數十畝爲放生河爲文記之子心培字遇黃歲貢生克承家

教力學工詩文孫正鑑有傳

陳志字爾士國學生十齡失怙承歡慰母遇忌辰流涕不止祖塋在徽郡歲必跋涉往祭其在橫塘者久爲人侵削捐金重葺建宗祠敦族誼善撫孤姪周卹窮困至性備焉子四俱游

庠入雍

善志

顧秉均字子宙善庠生九赴南北闈六薦不售工書法精律例聲名藉甚遠近爭慕之

費大穗字萬育幼而岐嶷父患痰疾穗隨二兄侍湯藥少間輒屏人禱天願以身代母微窺之憐其意勿之驚父尋愈明年春穗忽咯血恐遺親憂不使人知而誦讀如故後漸不支母知之曰兒年少事不三思若父病時汝每夜露禱云何天地

楓涇小志

卷五

人物

三十一

神明豈可誣哉驚曰母既知之兒何敢隱果以是死死且瞑矣不數日卒年十七

節徐維城撰傳

沈融字岫青號北海泓曾孫六歲遭母喪哀動行路及長肆力詩古文詞屢躡場屋事繼母能孝待諸父昆弟亦盡禮許王

猷爲作孝子傳

采入嘉府志

陳禮字天敘生母早卒育於嫡母張故事張盡孝仲兄歿遺孤孫二撫育教誨竭盡心力生平好施與樂善不倦

善志

費士宏字咸臨善庠生幼警悟舞勺通文出應童子試冠軍游庠後名益噪康熙庚午鄉試得咯血症歸而卒年甫逾冠

李永祺字鶴君嘉生孫康熙己卯解元熟精經史下筆有根柢爲諸生時科歲五試冠軍何義門亟賞之發解後三上公車

不售著有河干詩草

善志

許湄字臨洲康熙庚辰進士授湖廣石門令其地苗蠻雜處湄開誠撫諭諸土司格心向化巡撫趙申喬保奏內召卒於途居官十五年清貧如故歿祀名宦祠子王謨王猷俱有傳

江浙

通志

曹爾樽字占貞少負雋聲因母病究精醫理待弟六人極友愛妹寡留養終身撫孤姪與子無異視有中表弟兩人不容於其兄招之家爲婚娶舉鄉飲賓不赴與弟奕雲輩俱工詩著有東干小草

善志

浦文焯字元量號鳳巢幼即穎特困童子試康熙丙子年三十三始游於庠秋中副車迨壬午舉順天鄉試丙戌成進士授

楓涇小志

卷五

人物

三十一

蠡縣知縣在任九載民被其惠遷眞定府同知莅任十日即擢河間府知府旋陞直隸巡道雍正三年改巡道爲按察司特旨即以文焯補授常手定爰書至丙夜輒誦歐陽崇公語以自警兩次鑄職乾隆初起廢員授福建糧驛道未之任卒著有鶴貽堂集平恕齋文稿

善志

曹奕霞字哲庭號白村究心經史兼涉百氏弱冠游京師流譽公卿間和周司空雙劍歌盛傳都門有曹雙劍之名康熙乙酉蒙 召試賦白杜鵑花詩稱 旨 賜內膳充纂書之選不就徧游五嶺歸居白牛村著白村集雍正甲寅舉博學鴻詞以老疾辭子鑑乾克承家學

善志

顧心鏜字駕徐號虎仲秉堅子博學能文兼通刑名家術康熙

辛卯舉人雍正庚戌舉茂才科授河南溫縣知縣調河內邑
有漑田渠二偷注越洩常相爭鬪命案壘出爲設夫司啓閉
挨日遞洩民無旱潦之患境賴以安右族以義男爭嗣速訟
幾破家心錯使就讞邑神廟片言而兩造悅服擢光洲直隸
州光城中貫大河北城根逼河壩城中地高等女牆民環堞
而居圯則盡爲澤國心錯捐俸修築河壩密排以石下張上
斂民乃安堵時大中丞雅爾圖贈以詩有才並松濤湧人如
竹韻清之句政績載州志年老乞休兩袖清風晏如也蔡維
熊舉尊德會心錯與焉壽八十四善志

程緒祖字纘三穎敏嗜學卒困鄉闈孝友任卹敦本睦族家中
落親命奔走覓衣食以奉養無人依依不忍離膝下迨子鍾

楓涇小志

卷五

人物

三十三

彥長得重闈歡始出服賈有弟歿崖州不憚間關萬里歸其
櫬後鍾彥既歷清要杜門重陳故策課幼子與孫不問家事
布衣蔬食神明不衰壽至一百有三歲乾隆三十六年 欽

旌昇平人瑞額給帑建坊加

賜銀緞

大清一統志參善志

戴家理字爾齋國學生年十五貿遷奉養嘗侍父舟行遇盜奮
身捍禦父墮水理赴水掖父浮沈里許獲救免性喜施濟待

昆季尤友愛

善志

沈源德字大川號容齋工八法性敦厚時值歲歉創制連升法
出米二升收錢一升貧民欣誦初未有子置一妾詢知良家
女亟返之不索值贈以奩具使擇嫁子映暉有傳

孟世奇字曾唯諸生亞聖六十四世孫事親孝舌耕以奉甘旨

弟早世卹其孤寡嘗鬻田代外祖償賦兩還遺金衆高其誼

善志

顏綸字御飛號俟山諸生事親孝待人忠厚工詩文善畫好理

學家言服膺明儒胡居仁重刊居業錄著有碧巢詩稿畫學

金鍼乾隆四年舉鄉飲大賓壽八十

善志

許王謨字端操康熙甲午舉人自幼隨父湄任湖廣石門令讀

書之暇吏治多所諳練銓選四川委署宜賓令邑稱煩劇又

值承辦軍需籌畫無誤大吏器之檄督雷波城工在萬山叢

木中謨伐山開道工將底績觸嵐瘴卒蔭一子入監肄業

善志

參家傳

陳朝詠字胄和志子監生事親得歡心有弟三人友愛頗篤周

楓涇小志

卷五

人物

三十四

族弟某終其身親黨有告急無弗應家雖中落不悔也

善志

郁邵字孝則號葦村年十三游庠天才雋異詩文祠賦書畫琴

曲靡不究心惜刻苦嗜學不永其年著有葦村集

曹鑑浩字牧亭號雲壑松郡庠生金山籍居高陽里詩文工麗

兼精歧黃術貧者送診並助藥資年八十餘猶徒步鄉村爲

人診治著有漱石吟稿

曹小志

許王猷字賓穆號竹君天才卓犖讀書過目成誦康熙癸巳進

士選庶吉士習 國書博聞強記同館推重累擢少詹事掌

記注遷內閣學士兼禮部侍郎三主文闈得人稱盛乾隆戊

午江南榜如沈文愨楊大琛吳虎炳倪承茂其尤著者也居

鄉謙謹與人交外和內介嘗集邑中耆舊九人做香山故事

爲尊德會相與歌詩以紀勝一時傳爲盛事書法力追北海
晚年品更超妙片紙寸簡人爭寶之壽八十子廷燦副貢生
廷燧監生孫世墉有傳世培倍舉人善志

蔡維熊字星若號軼亭又號秋澄敦倫績學士林推重性溫厚
而勇於爲善雍正間歲饑出銀米以賑災黎並施藥槽同善
會首倡捐資置田買屋賴以振興創建支祠置義田三百畝
以贍貧族晚年做香山故事集耆舊如戴賓許王猷程緒祖
輩九人爲尊德會開筵賦詩繪圖以紀一時傳爲盛事乾隆
二十七年維熊迎 鑾祝 釐蒙 賜內緞一端以子以臺
貴封翰林院修撰著有軼亭詩鈔芷江集善志

楊爾德字質爲康熙戊戌會元由庶吉士授編修會大將軍年

楓涇小志

卷五

人物

三十五

羹堯入朝朝臣爭出迎爾德獨不往羹堯敗 世宗知之擢
禮科給事中遷都諫有直聲旋視學廣東條陳學政事宜並
積貯深中窾要歲試甫周以勞瘁卒於官年五十七事 聞
奉 旨楊爾德尙有老母著浙江巡撫留意照看時人榮之

善志參
慶志

程國祥字巨霑父亮祖遷居仁濟里遂籍嘉善國祥生而穎異
髫年題詩於壁曰我本芙蓉城裏客廿年蝶夢落人間父見
之不樂年十三握管爲文有奇氣十七遊京師入監肄業贅
錢文端甥館新安汪文端見其詩文曰此長吉後身也應京
兆試薦而不售旋病卒年二十著學易闡微未竟善志

支期字品山立七世孫貢生幼卽穎異力學敦倫里黨有小五

經之目屢試不售康熙乙酉擬元又坦率然聲已無翼而蜚
秦中士大夫知其才聘修通志船脣驢背手不釋卷晚年與
纂邑乘詩載藝文著巘東吟稿子江副貢生績學工詩文

善志

陳廷玉字蔭穀號崑圃附監生父禮有同懷兄振歿無後以子
嗣之屢嗣屢殤及廷玉生得嗣兄後廷玉器識凝重才能任
事事親孝撫孤姪與子無歧視有祖墓在新安被人謀占千
里訟理得返捐千金建宗祠督理勿懈好製藥餌療人疾閭
里嘗稱之母歿哀毀未反及小祥卒子蘭徵有傳

善志參
家乘

顧書容字宗衛號靜娛考授州判事親以孝與兄書柱友愛尤
篤終其身怡怡如也書柱字魯山附貢生敦行力學

善志

畢誼字元復康熙戊戌進士由咸安宮教習授內閣中書雍正

楓涇小志

卷五

人物

三十六

二年擢刑部主事或議其持法過寬奉 旨仍以內閣中書
用旋以薦授內閣侍讀秩滿遷戶部郎中壬子主考貴州旋
擢御史轉禮科給事中再轉兵科掌印給事中兩校禮闈稱
得士乾隆元年設總理事務處選滿漢四人入直誼與焉數
議 國家大典禮及大政事淹雅精確政府咸信重之其在
臺垣前後章奏凡二十餘上如弛銅禁嚴緝賭具條奏科場
事宜皆一一施行又奏請條陳經史以裨 聖學及江南河
工兩疏皆洞中機要鄂文端爾泰嘗論當世人才謂畢君奏
議今之陸敬輿也乾隆二年循例外轉鳳廬道以事鐫級調
用事白以主事銜食俸充平定金川方略館纂修官卒於京

邸年六十五子應辰乾隆十五年舉人

斐志

黃景佳字熾巖年十五應童子試學使奇其才錄冠鄉校康熙
庚子舉人越三年成進士宰柏鄉有惠政文字古茂淵永外
孫曹希煌擇其尤者刊入文衡集

戴賓字西雍號二蕉善邑諸生謁選得國子監典簿事親以孝
聞建宗祠置祭產盡敬宗收族之道性好施與凡有義舉率
先爲倡構四詠閣羅列圖書以自娛董文恪爲繪圖沈文愨
記之蔡維熊爲尊德會賓齒居最壽八十有八子振麟能孝

養克振家聲

善志

管世昌字宏通號鳳山居惠安里眞草隸篆皆工喜吟詠子唯

木乾隆庚午舉人官遂溪知縣

婁志

徐維城字韓溥號雪晴恩貢生家世業儒通經籍工詩古文辭

楓涇小志

卷五

人物

三十七

善引掖後進遊其門者多雋才父疾城累月不休寢藉硯田
以供甘旨粗糲自飽從兄歿周其孤寡雍正壬子闈卷以一
字微疵被落未嘗介意子鍵字掌修號巢筠乾隆己亥舉人

官湖北黃梅縣知縣

善志參
曹小志

蔡煒字亦袁廩貢生官臨海訓導邑生多逋賦煒作訓士文諭
以大義諸生始知自愛設齋督課士風丕振卒於官平生孝
敬善屬文著有易憲霞城偶草

善志

郁廷揚字雲士號晴巖善邑諸生好讀書耽吟詠與徐維城善
維城號雪晴時後進稱二晴先生子金淘字古年號耕花諸
生嗜酒工詩著有耕花齋亦吟草

程鍾彥字驥超號芥亭雍正癸丑進士選庶吉士授陝西道監

察御史條陳水利便宜一摺載入名臣奏疏丁卯充河南鄉
試正考官歷遷太常寺少卿凡有關國計民生但疏告如禁
止香山開煤添夫挑濬運河各疏 硃批嘉納鍾彥幼即穎
異長而益探經籍文溯八家詩宗選體歷官清要三度恭逢
侍 宴賦柏梁體詩疊叨 恩賚未竟其用而卒著有經義
日纂皇華紀程南村草堂集節梁文莊撰
傳及善志
蔣文明字百城號秋水諸生雍正六年 詔內外各官舉其所
知以宏任使文明得薦授萊蕪令以公事與上官辯上官怒
坐以酒失被議故有三年報政渾無事一醉休官最可人句
既歸與趙金簡輩以詩酒自適

蔡以封字桐川博通典籍與弟以臺齊名雍正乙卯優貢乾隆

楓涇小志

卷五

人物

三十八

壬申副貢官武義教諭著有觀光集採入四庫全書目錄

曹復元字興門號月帆弱冠入上海庠改金山籍居高陽里乾
隆丙辰舉人選河南林縣知縣改溧陽教諭苜蓿風清造士
有法引年假歸掌教雉水魏塘兩書院士林折服乾隆己酉
卒年八十有九著有六榆散人草十餘卷未梓子湯鼐有傳

善志

陳興祚字緒三號芥舟乾隆己未進士授福建仙遊令時有泉
人俞得海越獄拒捕未獲仙遊林姓等七人以疑似羅織陷
獄祚蒞任後廉得其實力請開釋屢觸上官怒卒如所請後
補河南洧川令撫字得宜大吏知其才委訊張仁叛案釋枉
者鉤致黨類卒無疏忽他如賑窮黎毀淫祠均徭剔蠹至今

閩豫之民猶頌之節表交達撰
行狀及善志

張正鑑字振聲號晚翠監生考授州吏目年十一失怙哀毀如成人好學敦品事母盡孝乾隆壬戌暮晚翠軒以娛親課子生平重然諾樂周人急如同善會及平糶諸義舉無不首先以倡乙亥丙子間連歲荒歉鄰里之貧乏者按戶給米人咸德焉暇則探究地理星學自推庚辰歲星不利至冬卒著有吟壇小史地里平洋秘要待梓善志
陳起鳳字臣諤婁庠生謹飭自好母病寢食俱廢以憂甚遂發狂從高樓墜下幾殞母愈亦獲痊後實力襄建宗祠始終不怠

趙金簡字玉書號赤繡上虞籍乾隆己未進士博學能文書法

楓涇小志 卷五 人物 三十九

渾勁選通許令改官杭州府教授嘗對客揮毫數百言立就卒年八十四梁同書贈以地葬西湖之濱姪世凝字岳輝婁庠生嘗有越郡人被誘拐者鬻為奴世凝贖之送至家不告姓氏而返倡建德星橋以利涉善志參
曹小志

顧惟麗字松辰庠生苦志力學專精五經弟惟本字孝標廩生詩文字學各擅勝場同族昌祚庠生敦族誼積館穀資置田以益祠祀許陶然字龍成庠生讀書刻苦績學工詩文許椿字董園號南薌性倜儻好讀書警悟絕人乾隆辛酉舉人授內江令有惠政會兩金川逆酋不靖大帥檄辦登春糧站事死木果木之難事 聞贈道銜 賜祭葬蔭恩騎尉世襲罔替入祀昭忠祠並祀鄉賢當其署儀隴雙溪縣時會 王

師征緬甸蜀省協供騾馬灌縣令沈鵬畏瘴癘不敢行因代之而滇黔山嶺固險惡椿安之若素不廢吟詠自嘲詩有七尺軀何愛君恩欲報難之句識者知爲先讖著有南征旅

草二卷

叢志參善志

王士升字乘麓號達羽乾隆辛酉舉人官合肥令性仁慈每慮囚不忍鞭撲歷署徽廬兩府同知檄督五河開墾大愜民望

善志

黃漢字學海諸生工文屢試不售嘗慕高忠憲陳幾亭同善會義舉與其弟泳仿行之復募置館舍會中任事泳尤力泳字文河牒請兩省當事不避寒暑勸捐時至爲市井不逞者詬詈而會事竟成

善志

楓涇小志

卷五

人物

四十

沈承點字東暘號吟耕善庠生屢試優等魏塘書院缺膏火資捐田若干畝周卹三黨繕修祠宇往往獨力任之著有夢花軒詩稿弟承照字廣明好施與嘗見閩商失資覓死傾囊與之

孫王綸字朗亭號訥庵乾隆乙丑進士學問宏通官嚴州教授諸生中有徐日紀者器之妻以女日紀果貴後以兩次俸滿未遷遂拂袖歸子銘仁字應元諸生讀書好善孫懷澄字樵村官金壇主簿工詩

胡燮臣字燠三號諧宇乾隆乙丑進士官將樂知縣改徽州教授以善教稱工舉業從游者極盛掄元奪魁者指不勝屈著有燠三歷試草

蔡以臺字季實號蘭圃乾隆丁丑會元 廷試第一授修撰庚辰分校順天鄉試尋補日講起居注官辛巳春 駕幸五臺途次 點會試同考官時方 扈從未及入闈當是時五路鳴鑾九旂揚旆以詞臣珥筆趨承 樞栝間時聆 聖訓同館望若神仙未幾以親老乞養歸從居喪以哀毀致疾卒以臺自幼穎拔鐘鼎圖書金石之品寓目即能辨真贗詩文氣骨奇高書法得魯公三昧居鄉不謁當道著述多不屬稿存姓氏竊略六卷三友齋遺稿子學遜廩貢生著有晉游小草孫傳謹官長蘆鹽大使

善志

程國珍字方貢號采山秀水監生幼孤力學文筆近章羅場屋不利家貧母老援例爲縣丞將以微祿養親需次都門以繪

楓涇小志

卷五

人物

四十一

事流譽公卿間性落拓畫不自珍惜平生好施與有任俠風人以緩急告者無弗應年僅三十而卒子維岳有傳

善志

謝垣字載東號東君乾隆丙戌進士官刑部四川司員外博學能文怡情詩酒畫不苟作得佳紙握管古雅可味或揣其困乏以饋遺求片楮輒拂袖起雖勳責弗顧也乙巳正月 詔舉千叟宴垣與焉 賜萬年藤杖旋解組歸與里之士大夫結詩畫社評鷺甲乙賦詩紀之著有壺領山房詩集

善志

謝墉字崑城號金圃垣弟乾隆辛未 南巡 召試第一 欽賜舉人授內閣中書壬申成進士改翰林 南書房行走屢充鄉會同考官乙酉以庶子典福建試乞假省親陞侍讀學士擢內閣學士兼禮部侍郎銜遷工部左侍郎入侍 經筵

尋督學江蘇任滿調禮部戊戌會試知貢舉己亥典江南鄉
試庚子復知貢舉調吏部辛丑會試正總裁 殿試讀卷官
是科狀元錢棨鄉會榜首出墉門下藝林傳爲盛事癸卯復
典江南鄉試留視學政恭遇 聖駕南巡於途次 召對稱
旨 御製詩章 灑翰以 賜墉與人交中懷坦白無所
瞻顧致以浮言被議降官編修未幾仍 命上書房行走年
七十七卒嘉慶五年贈三品京堂銜并 予卹典著有詩學
正說安雅堂集子昌鑒恭銘供有傳揚鎮丙午 欽賜舉人
善志節
行狀

俞爾昌字麟含號菩園乾隆壬申進士官仁壽知縣工詩文在
京邸時與蘆墟陸瓚爲莫逆交其子曜尙幼一見奇之以中

楓涇小志

卷五

人物

四十一

表兄弟女許焉後膺二品夫人誥封著有菩園詩鈔子仍毅
字次剛婁庠生有文名仍實字益齋官玉山典史

曹小志